

欽定四庫全書

子部

外臺秘要方卷二十九



南京中医药大学图书馆版权所有

詳校官太醫院恩糧臣袁天錫

編修臣倉聖脈覆勘

欽定四庫全書

外臺秘要卷二十九

從高墮下方三首

唐 王燾 撰

金瘡丈夫從高墮下傷五臟微者唾血甚者吐血及

倉易難崩中宜主之方

膠炙

乾薑各二兩

艾葉

芍藥

各三兩

有田味也以此方八升煮取三升去滓入膠令消分二

服羸人三服女人產後崩中傷下血過多虛喘腹中
絞痛下血不止服之悉愈

又療從高墮下瀉血及女人崩中方

當歸

二分

大黃

一分

右二味擣為散酒服方寸七日三

范汪同並出第二十六卷中

千金翼膠艾湯主男子傷絕或從高墮下傷五藏微者
唾血甚者吐血及金瘡經內絕者方

阿膠

炙

艾葉

芍藥

乾地黄

各三兩

乾薑

當歸

甘草炙

芎藭各二兩

右八味切以水八升煮取三升去滓內膠令烊分再服羸人三服此湯正主婦人產後崩中傷下血多虛喘欲死腹痛血不止者服之良

出第十九卷中

從高墮下瘀血及折傷內損方一十八首

廣濟療從高墮下內損瘀血消血散方

蒲黃十分

當歸

乾薑

桂心各八分

大黃

十二分

蜚蠊

四分去足翅熬

右六味搗為散空腹以酒服方寸匕日再漸漸加至

一七半忌生葱猪犬肉

出第四卷中

肘後療卒從高墮下瘀血脹心面青短氣欲死方

取胡粉一錢匕以水服之

備急文仲同

又方

煮大豆或小豆令熟飲汁數升和酒服之彌佳

千金

備急文仲同一云大豆二升煮令熟取汁二升去豆以醇酒六七升和飲之一日飲盡小豆亦佳

又方

生乾地黄二兩熬末以酒服之

又方

生地黄搗取汁服一升或二升尤佳

又方

烏鴟翅羽二七枚燒末酒和服之即當吐血也如
得左羽尤佳

又療從高墮下若為重物所頓竿得瘀血方

豆豉三升沸湯二升漬之食頃絞去滓內蒲黃三

合攪調頓服之不過三四服神良

刪繁小品文仲
備急集驗千金同

又方

烏梅五升去核以飴糖五升煮稍稍食之自消

文仲

備急千金同

又方

取茅連根葉搗絞取汁一二升服之不過三四服

愈冬用根

又方

刮琥珀屑酒服方寸匕取蒲黃二三七日四五服
良

又方

末鹿角酒服三方寸匕日三千金同

又方

取敗蒲薦燒灰以酒服方寸匕並出第三卷中

深師療從高墮下傷內血在腹聚不出療下血方

取好大黃二兩

桃仁三十枚

右二味擣以水五升煮取三升分為三服去血後作地黃酒服隨能服多少益血過百日成微堅者不可復下之虛極殺人也

又療墮落瘀血桃枝湯方

桃枝

一握中指長剉

芒硝

五分

大黃

四兩

當歸

甘草

炙

桂心

各二兩

蜚蠊

二十枚去翅足熬

水蛭

二十枚熬

桃仁

五十枚去尖皮熬

右九味㕮咀以水八升煮取三升去滓溫分三服內消

又療墮落積瘀血消血理中膏方

大黃

二兩

豬脂

二斤

桂心

一兩

乾薑

一兩

當歸

二兩

通草

亂髮

各一兩

右七味切以膏煎髮令消盡搗藥下篩須令絕細下

膏置地內諸藥攪勻微火煎之三上三下即藥成去

滓以好酒服一兩日二服一方不去滓

並出第二十卷中

千金療從高墮下及被木石所疰或因落馬凡是傷損

血瘀凝積氣急欲絕無不療方

淨土五升蒸之令極熟分半以故布數重裹之熨
病上勿令大熱恐破肉候冷即易之以痛止即已
但有損傷並以此法療之神効已死不能言者亦
活三十年亦差

又療從高墮下損有瘀血方

蒲黃

八兩

附子

一兩炮去皮末

右二味為散以酒服五六錢七日三不知增之並出

第二十六卷中

近効土質汗療折傷內損有瘀血每天陰則疼痛煎療

產婦產後諸疾神効方

開寶本草云質汗主金瘡傷折瘀血內損補筋消惡血下血婦

人產後諸血並酒消服之亦敷病處出西蕃如凝血蕃人煎甘草松淚檉乳地黃並熱血成之今以益母成煎故謂之土質汗也

三月採益母草一重擔 一名夏枯草

右一味揀擇去諸雜草及乾葉以新水淨洗於箔上攤曬令水盡則用手捩斷可長五寸勿用刀切即置鑊中量水兩石令水高草三二寸則縱火煎候益母

草糜爛水三分減二漉去草取五六斗汁瀉入盆中
澄之半日以綿濾取清汁盆中滓澱並盡棄之其清
汁於小釜中慢火煎取一斗如稀飴每取梨許大煖
酒和服之日再服和羹粥喫並得如遠行不能將稀
煎去即更鍊令稠硬停作小丸服之七日內則疼痛
漸瘳二七日平復或有產婦惡露不盡及血運一兩
服即差其藥煎療風益心力無所忌

鄭長史處吏部

李郎中服之得力

墜損方三首

廣濟療墜損骨肉苦疼痛不可忍方

故馬羶兩段其羶欲得故膩者於鎗中以酒五六升著一抄鹽煮令熟即內羶於鎗中看羶熟使用裹所損處冷即易之勿令久熱傷肉如是三五遍痛定即止仍服止痛藥散即漸差

又療男子虛勞墜傷內損吐血不止欲死面目黑如漆者悉主之方

黃芪

芎藭

當歸

芍藥
各三兩

甘草
三兩 炙

生薑
八兩

右六味切以水九升煮取二升五合去滓分溫三服

服別相去六七里
並出第四卷中

近効療墜損方

生地黄一斤分為三分

右每服取一分熬令焦黃以酒半升煎一兩沸絞去

滓令溫煖得所食前日三無所忌馬墜亦療之

墜落車馬方六首

肘後療忽落馬墮車及墜屋坑崖腕傷身體頭面四肢
內外切痛煩躁叫喚不得卧方

急覓鼠矢無問多少燒擣末以猪膏和塗封痛處
急裹之仍取好大黃如雞子大以亂髮裹上如鴨
子大以人所裁白越布衫領巾間餘布以裹髮外
乃令火燒煙斷擣末屑薄以酒服日再三無越布
餘布可強用常當預備此物為要

備急集驗古今錄
驗同出第三卷中